

DAMMI LU CORI

Serenata

Finale 9/07/2008

E'-vveru ca d'amuri nun si mori,
m'è-vveru ca l'amuri sfarda u cori.
U vintarieđđu ġiuscia u fuocu miu
tremu la foggħia e-ttremu puru iu

Amuri miu, amuri rû me cori,
si-ttu mi rici si, ti rugnu amuri.

Ascuta u cori miu nta lu me pièttu,
p'avirâ-nticchia i paci e lu risièttu,
voli scappari e-nni tia vulàri
pi-ddiriti ch'è stancu r'aspittari.

Lu cori batti forti e parparìa
quannu l'ucchjuzzi tui taljènu a-mmìa,

Talja cuòmu i stiđđi su-ppriati
e a luna ca s'ascuta a sirinata.
Canta l'ariđđu, canta assieme a-mmìa.
Affaccia e ascuta st'armonìa.

Çiatuzzu miu, ġiuri ri la me vita,
vulissi chi-ttu fussi la me-zzita

PER FINIRE - Amuri miu, rosa ormai sbucciàta,
vuògghju stari cu-ttìa tutta la vita.

Lucio Vranca